

Morning Dogri (NSD) National News Bulletin 15-02-2025

आकाशवाणी

- प्रधानमंत्री नरेन्द्र मोदी होरें अमरीका ते फ्रांस दे सफल दौरें मगरा स्वदेश परतोई आए न।
- भारतीय रिजर्व बैंक नै श्रीराम फाइनेंस लिमिटेड, उज्जीवन स्मॉल फाइनेंस बैंक लिमिटेड ते नैनीताल बैंक लिमिटेड गी किश बैंकिंग नियमें दी उल्लंघना करी जुर्माने कीते न।
- सीबीएसई दे 10मीं ते 12मी क्लासें दे मतेयान अज्ज शुरू होआ'रदे न।
- प्रयागराज च चला'रदे महाकुंभ च 3 सौ शा मते सफाई कर्मिं कल इक बड्डा स्वच्छता अभियान चलाया जेहड़ा नदी ते थाहरें दी सफाई आला सब्बने शा बड्डा सामूहिक सफाई अभियान ऐ हा।
- क्रिकेट च डब्ल्यूपीएल 2025 दे कोटांबी स्टेडियम बड़ोदरा च खेड्डे गेदे शुरूआती मैच च रॉयल चैलेंजर्स बेंगलुरु च गुजरात गी हराई दित्ता।

<><><><><><>

PM

प्रधानमंत्री नरेन्द्र मोदी होर अमरीका ते फ्रांस दा दौरा कामयाबी कन्नै पूस करियै स्वदेश परतोई आए न। प्रधानमंत्री होरें कल रातीं पालम हवाई अड्डे पर पुज्जे। उनें अमरीका दा दौरा राष्ट्रपति डोनाल्ड ट्रंप हुंदे साददे पर कीता। ट्रंप हुंदे राष्ट्रपति बनने मगरा उंदा एह पैह्ला अमरीका दा दौरा हा। उंदे कामयाब दौरें च उनें वाशिंगटन च राष्ट्रपति ट्रंप हुंदे कन्नै दपक्खी गल्लबात कीती। एह गल्लबात कोई 4 घैंटे चली ते इस दरान सामरिक ते सुरक्षा सैहयोग, रक्षा, बपा आर्थिक सैहयोग, प्रौद्योगिकी, ऊर्जा सुरक्षा ते लोकें दे लोकें कन्नै संपर्क सनें केई आपसी महत्व दे मामले पर गल्ल कीती गई।

दौने नेताएं 21मीं सदी लेई यूएस-इंडिया कंपेक्ट दा रलियै शुभारंभ बी कीता। बपार ते निवेश दे खेत्तर च दौनें नेताएं मिशन 500 शुभ कीता जेहदा मकसद 2030 ब'रे तगर दपक्खी बपार गी उंदे शा मता बधाइयै 500 अरब डॉलर तोड़ी पजाना ऐ।

<><><><><><>

RBI Penalty

भारती रिजर्व बैंक- आर.बी.आई. नै बैंकिंग प्रावधानें दी उल्लंघना करने पर श्रीराम फाइनेंस लिमिटेड उप्पर 5 लक्ख 80 ज्हार रपे, उज्जीवन स्मॉल फाइनेंस बैंक लिमिटेड पर 6 लक्ख 77 ज्हार रपे ते नैनीताल बैंक लिमिटेड पर 61 लक्ख 40 ज्हार रपे दा जुर्माना लाया ऐ। इक प्रेस विज्ञप्ति मूजब, 31 मार्च, 2023 तकर दी वित्तीय स्थिति दे सरबंधै च श्रीराम फाइनेंस लिमिटेड दे इक निरीक्षण थमां एह पता चलदा ऐ जे कंपनी क्रेडिट सूचना कंपनियें गी कॉरपोरेट्स दे रिलेशनशिप सेगमेंट दे बारै च जानकारी सांझी करने च नाकाम रौहने दे अलावा खातें दे जोखिम वर्गीकरण दी तय अवधि आहली समीक्षा प्रणाली गी लागू करने च बी नाकाम रेही ऐ। उज्जीवन स्मॉल फाइनेंस बैंक दे मामले च, आर.बी.आई. दे निरीक्षण थमां पता लग्गा ऐ जे बैंक, दोआर दी मंजूरी जां दोआर दी रकम जारी करने दे बेल्ले किश गाहकें गी दोआर समझौते जारी करने च नाकाम रेहा ऐ।

<><><><><><>

CBSE Exams

केंद्री माध्यमिक शिक्षा बोर्ड - सीबीएसई दी 10मीं ते 12मीं क्लासें दे बोर्ड म्तेहान अज्जै थमां शुरू होआ करदे न। इस परीक्षा च देश-विदेश च 42 लक्ख कोला मते विद्यार्थियें दे शामिल होने दी मेद ऐ ते एहदे लेई 7 ज्हार 842 केंद्र बनाये गेदे न। एह म्तेहान इक्कै सत्र च बड्डलै साङ्ढ़े 10 बजे थमां लेइयै दपैहरी डेढ़ बजे तकर आयोजित कीते जाडन। 10मीं दे म्तेहान 18 मार्च गी ते 12मीं दे म्तेहान 4 अप्रैल गी खत्म होडन। परीक्षा देने आहले विद्यार्थियें गी केन्द्रें अंदर दाखल होने लेई प्रवेश पत्र अपने कन्नै आहनना लाजमी होग। सीबीएसई दे दिशा-निर्देशें मूजब, हर चाल्ली दा स्टेशनरी दा समेयान जि'आं पेन, पेंसिल, इरेज़र ते ज्योमेट्री बॉक्स गी इक पारदर्शी थैली च रक्खने दी इजाजत होग। परीक्षा द दरान विद्यार्थी, पारदर्शी पानी दी बोतल बी अपने कन्नै लेइयै जाई सकदे न।

विद्यार्थियों की परीक्षा शुरू होने से 30 से 45 मिनट पहले परीक्षा केन्द्र पुज्जने की सलाह
दिल्ली गई है। परीक्षा केन्द्र से अंदर मोबाइल फोन, स्मार्टवॉच से इलेक्ट्रॉनिक उपकरण लेई
जाने की इजाजत नहीं होगी। तोआई, दिल्ली मेट्रो ने परीक्षा देने आहले विद्यार्थियों की सुविधा
लेई कई उपाय कीते न। मेट्रो स्टेशनों पर सुरक्षा जांच से दरान सीबीएसई प्रवेश पत्र कन्ने
लेइयै जाने आहले विद्यार्थीएँ की प्राथमिकता दिल्ली जाहग। टिकट खरीदसे बेल्ले बी उनें'की
प्राथमिकता थहोग।

<><><><><><>

Sindhia BSNL

सरकारी मालकी आहले भारत संचार निगम लिमिडिड – बीएसएनएल ने माली ब'रे 2024–25
की त्रीऽ तिमाही से 262 करोड रुपें दा मुनाफा कमाया है। सार्वजनिक खेत्तर से उपक्रमें की
मजबूत बनाने से आम लोकें लेई टेलीफोन सेवां उपलब्ध करोआने की दिशा से एह सरकार
की इक बड्डी उपलब्धि है। कल नमीं दिल्ली से पत्रकारें कन्ने गल्लबात से केन्द्री संचार मंत्री
ज्योतिरादित्य सिंधिया होरें दस्सेआ जे पिच्छले 17एँ ब'रें से पहली बारी बीएसएनएल ने इक
तिमाही ने सब्बनें शा मता मुनाफा कमाया है। उनें गलाया जे प्रधानमंत्री नरेन्द्र मोदी हुंसे
नजरिये मूजब टेलीकॉम सेक्टर डिजिटल इंडिया से भविष्य की बत्त पदरी करै करदा है।

<><><><><><>

Mahakumbh

प्रयागराज से महाकुंभ ने इतिहास रची दित्ता है, की जे एह दुनिया दा पहला ऐया आयोजन
है जेहसे से 50 करोड शा मते लोकें सिद्धे तौर पर हिस्सा लैता है। त्रिवेणी संगम से अजे
तोड़ी 50 करोड 4 लख शा मते श्रद्धालुएँ पवित्र स्नान कीता है। उत्तर प्रदेश सरकार ने
आखेआ जे इन्नी बढ गिनतरी से लोकें की शमूलियत मनुखी इतिहास से कुसै बी धार्मिक,
सांस्कृतिक जां समाजी आयोजन से सब्बने शा बड्डा किट्ठ है। सरकार ने आखेआ जे
अमरीका, रूस, इंडोनेशिया, ब्राजील, पाकिस्तान से बंगलादेश जनेह मुख्यें की आबादी शा मते
लोकें पवित्र स्नान कीता। तोआई दुनिया से पहली बारी कल 300 शा मते सफाई कर्मिएँ
महाकुंभ से गंगा नदी से कंडे की सफाई करियै पहला रीवर क्लीनिंग रिकार्ड बनाया है।

इस दरान एह संदेश दित्ता गेआ जे गंगा ते होरनी नदिएं ते जल स्रोतें गी स्वच्छ रखना किन्ना महत्वपूर्ण ऐ। एह सफाई अभियान महाकुंभ दे बक्ख-बक्ख घाटें पर शुरू कीता गेआ जिंदे च सेक्टर 4 च रामघाट, सेक्टर 7 च भरद्वाज घाट ते सेक्टर 9 च गंगेश्वर घाट शामिल न।

<><><><><><>

LA Session

जम्मू कश्मीर विधानसभा सचिवालय आस्सेआ कल अपने दुए इजलास दे कार्यक्रम दा कलेंडर तारी कीता। आकाशवाणी दे जम्मू संवाददाता नै जानकारी दित्ती ऐ जे एह 7एं ब'रे परैंत पैहली बारी ऐ जे जम्मू कश्मीर च लोकें आस्सेआ चुकी गेदी सरकार बजट पेश करोग, जेहड़ा स्पीकर अब्दुल रहीम राथर हुंदे आस्सेआ जारी दस्तावेज मूजब 7 मार्च गी पेश कीता जाग। विधानसभा दा इजलास 3 मार्च गी उपराज्यपाल हुंदे अभिभाषण कन्नै शुरू होग। 4 कोला लेइयै 6 मार्च तोड़ी उंदे अभिभाषण पर धन्नबाद प्रस्ताह पर चर्चा होग। ते 7 मार्च गी 2025-26 ब'रे लेई बजट पेश कीता जाग। एहदे कन्नो कन्नी 2024-25 ब8रे लेई पूरक अखराजातबारे बजट बी सदन च पेश करने दा कार्यक्रम ऐ। ओहदे बाद 8 कोला लेइयै 11 मार्च तोड़ी बजट पर आम बैहस होग ते बैहसू पर परता 11 मार्च गी दित्ता जाग। 12 मार्च कोला लेइयै 25 मार्च तोड़ी असेंबली दी कारवाई दरान ग्रांट मंगा पेश कीतियां जांगन जिसलै जे 11 अप्रैल शुक्रवारें बजट इजलास संपन्न होई जाग।

<><><><><><>

Kashi Tamil Sangamam

तमिलनाडु ते काशी बश्कार सांस्कृतिक ते बौद्धिक सरबंधें गी तगड़ा बनाने आहली पैहलकदमी काशी तमिल संगमम दा त्रीया चरण अज्जै थमां उत्तर प्रदेश दे वाराणसी च शुरू होआ'रदा ऐ। काशी तमिल संगमम दे इस त्रीये संस्करण दा उद्घाटन केन्द्री शिक्षा मंत्री धर्मेन्द्र प्रधान ते उत्तर प्रदेश दे मुख्यमंत्री योगी आदित्यनाथ होर करडन। इस मौके उपपर सूचना ते प्रसारण राज्यमंत्री डाक्टर एल. मुरुगन होर बी उत्थे मजूद रौहडन। 10एं दिनें तोहड़ी चलने आहला एह कार्यक्रम 24 फरवरी गी संपन्न होग।

<><><><><><>

Jitendra Singh Budget

केंद्री राज्यमंत्री डाक्टर जितेंद्र सिंह होरें ब'रे 2025–26 दे आम बजट गी दूरै दी सोच आह्ला ते क्रांतिकारी करार दित्ता ऐ। बजट दे बारे च अहमदाबाद च संवाददाताएं गी संबोधित करदे होई श्री सिंह होरे आखेआ जे एह बजट प्रधानमंत्री नरेन्द्र मोदी हुंदे नजरिये मूजब ऐ। श्री सिंह होरें गलाया जे परमाणु मिशन दे शुभारंभ दे कन्नै गै भारत ब'रे 2047 तक 100 गीगावाट परमाणु ऊर्जा दा उत्पादन करने च सक्षम होई जाहग। श्री सिंह होरें इब्बी गलाया जे केन्द्री बजट च मध्यम वर्ग गी औंदन टैक्स च बड़ी बड़्डी राहत दित्ती गेई ऐ।

<><><><><><>

Squash

हांगकांग च भारत दी महिला ते पुरुष टीम एशियाई जूनियर टीम स्कवैश चैंपियनशिप दे सेमीफाइनल च पुज्जी गेइयां न। महिला टीम नै पूल-बी च दुई थाहरै पर रौहदे होई अखीरी चार च अपनी थाहर पक्की कीती। सेमीफाइनल च महिला टीम दा मुकाबला अज्ज हांगकांग कन्नै होग। उत्थे गै मर्दे दी टीम सेमीफाइनल च मलेशिया कन्नै खेड्ढोग।

<><><><><><>

Israel

इजराइल नै आखेआ ऐ जे उसी गाजा पट्टी च हमास दी कैद थमां रिहा होने आहले त्रै बंधकें दी सूची मिली ऐ। एह सूची कतर ते मिस्र दे मध्यस्थें राहें इजराइल गी सौंपी गेई। हमास दी सैन्य शाखा, अल-कस्साम ब्रिगेड नै इक बयान च आखेआ ऐ जे बंधकें च अलेक्जेंडर (साशा) ट्रुफानोव, सगुई डेकेल-चेन ते यायर हॉर्न शामिल न। हमास दे कैदी मीडिया दफतरै गलाया ऐ जे इ'नें त्रौनें बंधकें दे बदले च, इजराइल आसेआ 3 सौ 69 फिलिस्तीनियें दी रिहाई दी मेद ऐ। पिच्छले महीने लागू होए दे युद्धविराम समझौते दे तैहत, इजराइल ते हमास बशकार एह 6मीं अदला-बदली होग।

<><><><><><>

Women Cricket League

क्रिकेट च महिलाएं दे प्रीमीयर लीग दे पैहले पैहले मैच च कल रॉयल चैलेंजर्स बेगलुरु नै गुजरात जायंट्स गी हराई दित्ता। एह मैच बड़ोदरा दे कोटांबी स्टेडियम च खेड़डेआ गोआ। 202 रंजें दे बड़डे लक्ष्य दा पिच्छा करदे होई आरसीबी नै एह लक्ष्य 6 विकेटां बाकी रौंहदे होई ते 9 गेंदा बाकी रौंहदे होई गै पूरा करी लैता। पैहले बल्लेबाजी करदे होई गुजरात जायंट्स नै निर्धारित 20एं ओवरें च 5 विकेटें दे नुक्सान पर 202 रंज बनाए। आरसीबी आस्सेआ रीचा घोष नै 27 गेंदे च नागाद 64 रंज बनाए ते इलाइ पैरी नै 34 गेंदें च 57 रंज बनाइयै बड़डा लक्ष्य हासल करने च अनमुल्ला योगदान दित्ता। तोआई गुजरात जायंट्स दी टीम आस्सेआ एशलीग गाडनर नै 37 गेदें च 79 रंज बनाए। रीचा घोष गी प्लेयर ऑफ द मैच दित्ता गोआ।

<><><><><><>